





原件短缺


1-3.5

故樞密副使包拯男太常寺太祝纘之妻壽
安縣君崔氏可特封永嘉郡君仍封表門閭

制

勅崔氏汝甲族之遺孤大臣之家婦夫亡子夭惻然
無歸而能擔死不嫁撫養孤弱使我嘉祐名臣之後
有立於世惟汝之功皆衛世子蚤死共美自擔詩人
歌之韓愈幼孤養於嫂鄭愈喪之期若崔氏者可謂
兼之矣其改賜湯沐表異其所居以風曉郡國使薄
於孝悌者有所愧焉可

皇叔某贈婺州觀察使追封東陽侯皇兄某



原件模糊

贈蔡州觀察使追封汝南侯制

勅生分竹符所以廣恩於宗室沒身茅社所以寵綏其子孫眷予磐石之宗夙被麟趾之化國有常典我其敢忘其莘生于高明克自抑畏恭儉寡過綽有士人之風忠孝著聞蓋服祖宗之訓屬既尊于中外禮當極於哀榮命以廉車即封其地爰疏五等之貴以慰九原之思庶其有知服我休命

士齋可西頭供奉官制

勅具官某汝宗室子生于安逸而能誦習文法以求自試蓋亦有志於事者朕何愛一官不以成其志乎

王德加河中府制

勅具官某汝以名譽子先於汝之河東善政駐郡才庸之盛世有賢守風素未遠國

郎朗通州四州制

勅具官某詩云敷聞如阜陶者之所學也汝官于上學之

可

荆王揚王所乞雜恩八人制

勅具官某等或以方伎世襲或以歲月積其勞給

事三官既勤且久增秩改職以
致無怠可
謹其能往服休恩益

西嶺供奉官張德勝
一級轉三官制

物具官其禮場之政以首廣
應格則實隨之可
則功所從來尚矣爾既

卿于既可太常少卿

物具官其奉常之職非特以
而已國有大政事大議論必
取而委乎太師折衝於樽
之名分上下守之有死不易
則國安而民服朕選建

卿士付之禮樂意在於此非我老成之人學足以通
古才足以御今智足以應變強足以守官深於經術
達於人情其孰宜之詩不云乎彼其之子邦之司直
往脩厥官無斁朕命可

范祖禹可著作郎制

勅具官某左右起居東觀著作皆史事也今左右史
獨書已行之政有司之常事至於廊廟大議君臣相
與之際所以興壞治忽之由一歸於東觀則著作之
任顧不重歟非得直亮多聞古之所謂益友者奮筆
於其間則善惡賢亂後世無所考信汝既任其事矣

益進而專之朕苟有過猶當直書而况其餘乎往祗
厥官無曠乃職可

孫覺可給事中制

勅朕聞明主在上凡侍從皆得言若其不明雖臺諫
亦失職朕以冲眇丕承祖宗未堪多難之憂常恐不
聞其過下至執藝猶當盡規豈必諫臣而後論事矧
茲封駁之重任參黃散之間知無不言職固當爾具
官某行不違道言不違仁處以孝聞出以忠顯先帝
所以遺朕天下謂之正入屢告嘉猷固非小補間自
西省遷之東臺而覺方進陽城之直詞固懷蕭生之

雅意重違其請閱月于茲卒採羣言以遂前命以爾
抗章伏閣之志施於還詔批勅之間其一乃心以稱
朕意

皇伯祖克愉可贈忠正軍節度使開府儀同
三司制

勅國家蒙累聖之餘澤眷宗室之多暇雖設官以董
其私置傳以導其學而重以吏事責之懿親音衿而
服簪纓白首以奉朝請雖有間平之盛德辭向之異
材皆湮沒而無傳頌歎息之何及尚賴本文之茂蔚
為邦國之華不幸云亡惻然永悼具官某志厚以為

質禮敬以自文持滿矜高蓋得諸侯之孝履信思順
合於大有之賢小心自將汝齒無過方朕不言之際
遽茲永逝之悲日月有時寃宥告具責以旌旋之寵
仍兼將相之榮豈獨慰九泉之思亦將勸庶邦之義
可

蕃官兀泥常等十二人覃恩轉官制

勅具官某等錯居吾國世濟其忠矧茲臨御之初豈
有中外之異各從遷秩以廣異恩祇服寵靈益堅守
禦可

高密郡王宗晟建安郡王宗綽所生母孫氏

封康國太夫人制

勅母以子貴春秋之義也朕方因親以教愛廣愛以
及民封節婦之閭以勸能賢賜高年之壽以助養老
而况屬籍至近賢王篤生欲大慰於慈心宜特推於
異數孫氏四德純備五福荐臻豈惟擢秀於閨門固
已流芳於宮闈舉觴坐上有伯仁仲智之賢持節洛
濱寄汝南瑯琊之貴爰改封於樂土俾正位於小君
服我休恩介爾眉壽可

客省副使劉瑄知恩州制

勅軍國異容兵民異道治戎振旅以鷙勇為上承流

宣化以忠厚為先爾久練武經本由才選屢更煩使
克有成勞試于一州祇服朕訓可

皇叔叔曹贈洛州防禦使封廣平侯制

勅官至持節壽為通侯非我勲勞之臣則必親賢之
屬豈云虛授維以飾終具官某生於高明力自脩飾
克有常德以沒元身乃眷衡漳夙為重地爰假一麾
之寵就分五等之封庶其有知服我休命可

左侍禁李司可供奉官制

勅蠢爾裔夷馮嶮竊發不時討擊何以懲艾爾能奮
命破走犬羊何愛一官以勸吏士可

張汝賢可直龍圖閣發運副使制

勅具官某朝廷於南方復置都漕者所以均節諸路
之有無使歲課時入而已非以求贏也至俗吏為之
則多收羨財以幸恩寵而民受其病以爾昔為御史
號稱敢言奉使江表罪人斯得庶幾知義利之分者
是以命爾龍之新職往惟欽哉

狄以諮劉定各降一官制

勅具官某守奉使一路以恤民奉法為先今乃不然
煩酷之聲以溢于朕聽公肆其下曲法受賕收聚毫末
與農圃爭利使民無所致其忿至欲賊殺官吏朕以

更赦置之閑局而公議未厭其削一官往思厥愆服我寬政可

叔頗男改之可三班借職制

勅某汝父無祿早世緣母之請以獲一官其思所以克家事母者惟敬母息可

鮑耆年京東轉運判官張峒京西轉運判官

制

勅具官某等朕惟百姓之命寄於郡縣而守令之賢不能人知其面貝獨賴部使者為朕耳目而已爾長一郡以才良聞進之漕屬以究其用其使上無惰吏下

無冤民以稱朕意可

李周可太僕少卿制

勅具官某僕臣正厥后克正見於周書思無邪思馬斯臧形於魯頌朕命此職亦難其人以爾秉心不回臨事有守通練世故灼知民情所以望爾者豈特車工馬政而已哉可

范純禮可吏部郎中制

勅具官某嗚呼維乃顯考克明德秉哲以左右我仁宗俾配德於堯舜天亦維相之使世有人以任我樞機將帥之事今汝獨在外計朕惟瑚璉不可以褻用

驥駟不可以小試命以天官之屬其少進之益觀其能往欽哉可

余希旦可知濰州制

勅具官某爾本以才選坐累失職亦云久矣肆予大青罔不更新北海名邦民朴而富往務忠厚以安其生可

王哲可知衛州制

勅具官某凡我四朝之舊經德秉哲篤老不衰者今幾人哉以爾好學守節名在循吏而久不治民朕甚惜之太行之麓民朴訟簡守以安靜莫如汝宜可

郭祥正覃恩轉承議郎制

勅具官某朕丕承六朝陳錫四國覃及方外決于有生矧予通籍之臣可無增秩之寵祗服休命永肩一心可

王崇拯可遙郡刺史制

勅具官某刺史漢官秩六百石魏晉以來皆牧守之任今雖以為勇爵然非親賢勲舊不在此選爾入直禁省出分虎符兵民所宜選寄滋重有司言爾累勞當遷益脩厥官以應名實可

潮州澄海第六指揮使謝臯可三班借職制

勅某汝自什伍長積勞累遷至一旅極矣今乃以去
惡之功獲補武吏惟廉與慎乃克有終可

皇伯仲郃贈使相制

勅親親以藩王室賢賢以尊朝廷古之道也况於死
生之際恩禮之重國有常典我其敢忘皇伯具官某
生於高明克自祗畏出就外傳聞好禮之稱退省其
私有為善之樂云何不淑罹此閔凶慰我永懷豈無
異數衮衣赤舄寵均三事之臣玉節牙璋坐享專征
之器豈云虛授維以飾終庶幾有知服我休命可

士暇可右班殿直制

勅汝宗室子始名而祿得之非以知守之惟艱祗服朕
訓乃克終譽可

克鞏可遙郡防禦使制

勅具官某朕於宗室無所愛也然猶不欲虛授以速
人言得之惟艱乃罔後悔凡有進退必付有司攷其
歲月察其行義則朕與汝皆無憾比豈不休哉可

劉奭閣門祗候制

勅具官某惟我神考篤于將帥生一則厚其寵死則卹
其孤將使識朝廷之儀習軍旅之事無忝厥祖以世
其家成汝之意可謂至矣將何以報之可

陳薦贈光祿大夫制

勅昔我英祖博求天下之士以輔翼我神考于東宮二十餘年之間山陵既成人物改謝顧瞻在廷一二臣外罔有存者朕惻然傷之永憶其人具官某剴毅木訥器遠任重密勿左右以責誰不為愛君周旋藩輔以卹民為報國淪喪未幾風烈如在雖死者不可復作而追榮之典猶足以寵緘其子孫且使朴忠守道之士知朕意之所予者可

呂穆仲京東提刑唐義問河北西路提刑制
勅先帝立法更制所以約束監司守令使不得營私

而害民者可謂至矣朕始罷賦泉之令復征徭之法凡先帝之約束當益申而嚴之使以出力從政之民無所復病以爾穆仲等或端靜有守敏於為政或直亮多聞志於仕道而京東河朔皆天下重地也往脩厥官稱朕意焉可

沈叔通知海州制

勅朕嗣位以來通商惠農施舍已責有不順成荒政畢舉而海濱之民羣聚剽掠此事人不稱職備災無素之過也今選命汝惟往安之非朕所之也民苟有以生矣其肯自棄於惡可

孫向保州通判制

勅孫向一郡之寄在汝守貳察奸舉能既復其舊矣則達政之吏可以有為爾通練以事既試有勞其從所請以觀來效可

鄧闢朝散郎制監邕州 惟

勅具官某瘴霧之鄉上幣所出田禾年於此勤亦至矣法當遷秩以答久勞可

荆王新婦王氏潭國夫人制

勅易稱中饋為家人之正吉詩羔羊蓋鵲巢之功致婦德有常含章不曜能使君丁樂且有儀則內助

之賢從可知矣王氏早服師傅習聞詩禮富貴而能恭儉俯仰極於孝慈今問謁然刑于宗族其改封大國象服是宜以稱我叔父之德為內命婦之法豈不休哉可

李琮知吉州制

勅具官某汝以久遠無根之賦使畏威懷賞之吏均之于無辜之民民以病告聞之惕然使吏覆視皆如所聞既正其事矣而汝猶自言若無罪然朕惟更赦不汝深咎遷于一州往深念之廬陵之富甲於江外使民安汝朕則汝安可

高士良可文思副使制

勅其汝閱習民兵技藝云超等課以歲月於法當遷往服寵靈益思來效可

皇叔叔遂可贈懷州防禦使追封河內侯制
勅生于富貴而無驕溢之患終于祿位而有歸全之美始終之義有足賢者具官某性於志孝文以禮樂蓋蒙祖宗之澤而服師保之訓克有令問以沒元身是用爵之通侯官以持節上以惇勸於宗室下以寵綏其子孫可

呂公著妻魯氏贈國夫人制

勅婦人之德如玉在淵雖不可見必形諸外視其夫有羔羊之直相其子有麟趾之仁則內德之茂從可知矣具官某故妻某氏名臣之子元老之婦所資者深故志存乎仁所見者大故動協于禮環佩穆然閨門化之而降年不永祿不配德其改封大國正位小君庶幾為女史之光非獨慰其夫子而已可

仲暹可遙郡防禦使制

勅其居貧賤而有聞易處富貴而無過難凡我宗室皆有位著雖不任以事無所施其才而刑于厥家有以考其行日月其邁爵秩當遷朕不爾私服之無愧

可

司馬光三代妻

曾祖政太子太保制

勅書曰皐陶邁種德種之遠故其發也難發之難故其報也大古之君子有種德於百年之前而待報於數世之後者昔聞其語今見其人具官某故曾祖某官某篤行有聞信於鄉國懷道不試遺其子孫天不吾欺再世而顯至于曾孫其德日躋衮衣繡裳進位于朝退有事于家廟其致朕命詔于有神尚食其報以康乃後可

曾祖母薛氏溫國太夫人制

勅朕自通籍之臣皆有以寵綏其父母而自祖以上非予丞弼之家莫獲褒顯君子之孝至於尊祖以及其妣用邦君之禮以隆其家可謂至矣某官某故曾祖母某氏專靜有守柔嘉維則經之以孝慈緯之以恭儉使清白之訓不墜于子孫而隱德之報可質於天地我有異數詔于幽室翟茀副笄尚服享之可

祖炫太子太保制

勅朕有元臣以德媚于上下民見其羽旄聞其車馬之音則稽首而聚觀之況其父祖墳墓之所在望其

草木盖有流涕而拜者錫命之寵豈特以慰其家而已哉某官某故祖某官其篤學力行追配前人仕道難進止於一命無疆之盛慶在其子孫風流未遠英烈如在歆予寵章以慰民望可

祖母皇甫氏溫國太夫人制

勅夫天人之際若不可知而善惡之報各以其類凡今富貴壽考光顯于世以朕察其父母大父母未有不仁而得之者也某官某故祖母某氏令德孝恭著于閨門好禮慈儉刑于姻族始生賢子以大其家而餘澤方茂福祿未究再世之後莫之與京愍冊追崇國有常典庶幾幽壤服我寵靈可

父池贈太師追封溫國公制

勅朕聞盛德之士必與天合考之古人而無疑質諸鬼神而不慙雖不當世必有達者某官某故父某官其德為世範言為士則躬蹈隨夷之效即庶幾顏閔之行事我仁祖為時名臣而儒術之用止於侍從德澤之施極於方鎮天厚其世篤生異人不求而名自章不言而人自信皆曰君子之子宜為天下之用朕既采民言俾秉國成而淵源之深推本所自命以師臣胙之大國使人知有道之士雖沒有無疆之休可

母聶氏溫國太夫人制

勅古之烈婦著在史冊非有憂患不見名節若夫令德懿行秀于閨門而湮滅無傳何可勝數獨賴子孫之賢或以表見於世君子之欲得位行道豈非以顯親揚名之故歟某官某故母聶氏早以淑女嬪于德人恭儉信順以相其夫慈和嚴翼以成其子使朕得名世之士以濟於艱難其遺風餘澤蓋有存者改封大國正位小君非獨以報其德庶幾令名與子俱傳於天下可

故妻張氏溫國夫人制

勅夫婦之好義同賓友勤瘁相成於艱難之中而死生契闊於安樂之後朕聞其事惻然傷之具官某故妻某氏少以女士不勤姆師歸于德門克有令問從我元老辭寵居約遊神清淨之庭守德寂寞之宅始終之際無愧古人我有寵章慰其永逝其正名於大國以從姑於九原可

張恕將作監丞制

勅具官某朕惟人材之難長育之無素事至而求有不可得是以訪之元臣大老之家推擇其子弟庶幾似之以爾名臣之子篤學好禮敏於從政試之匠事

以觀其能爾克遠猷無忝乃父以稱朕意可

趙濟知解州制

勅具官某古者官有常人士有定論雍也可使南面
求也可使為百乘宰論定而官不浮則民服汝長西
師歷年於此矣考之清議不曰汝直尚畀一城以觀
未效敬之戒之毋失朕命可

趙濟落直龍圖閣管勾中樞廟制

勅具官某有司言汝罪惡有狀小人有不忍為而汝
為之朕惟羞汗擗紳重置汝于理其退處散地以勵
風俗可

王彭知婺州孫昌齡知蘇州岑象求知果州

制

勅具官某為吏莫不欲威而明威不可立也惟公則
威明不可作也惟虛則明郡無小大民無剛柔事無
繁簡政無難易惟公而虛無適而不治以爾用法之
久不失仁恕折獄之多滋識情偽孫端黠豫歐
無華奉使其悉乃心施于有政不侮鰥寡每擾獄
市稱朕意焉可

王韶主客郎中周尹考功郎中制

勅具官某等事有繁簡才有所宜要之郎官天下之

清選也朕有所擇於其人而無所輕重於其間以爾子韶博聞強記老而能學以爾尹果藝而達知無不為各率其職而用其長朕將觀焉可

蔣之奇天章閣待制知潭州制

勅三后在上遺文在下炳若雲漢昭回于天乃眷歲書之府因為育材之地爰登秀傑以備顧問雖持節出使剖符分憂一挂名於其間遂增重於所莅且使民見侍從之出守知朝廷之念遠也具官某少以異材輔之博學藝於從政敏而有功使之治劇於一方固當坐嘯以終日勿謂湖湘之遠在予庭戶之間務安斯民以稱朕意可

皇伯祖宗勝贈太尉北海郡王制

勅夫以三公之位冠諸侯王之爵元勳盛德有不能兼非我父兄親賢之隆加之死生哀榮之極則朕豈以此授非其人哉具官某生于高明克自抑畏忠厚以為質禮敬以自文貴於躬人壽而無驕佚之譏考終天命而有歸全之美始於心之際中外所賢日月有時電窅告具備物典冊以將子哀豈獨慰九原之思蓋將勸庶邦之義可

劉有方可昭宣德以依舊嘉州刺史內侍省內

侍押班制

勅朕為天下父母推一心以馭百官內外雖異愛無
差等皆欲其處無過之地受有名之賞則上下相安
入無間言具官某少知忠恪晚益詳練砥礪廉隅有
縉紳之風祗畏簡書無戲怠之色歷歲滋久積勞當
遷考之有司皆曰應法往服新寵朕不汝私可

宋滋可右侍禁制

勅某疆場之臣所以奮不顧身義不旋踵者以朕為
能卹其孤也何愛一官不以慰死者之意且以為吏
士之勸乎可

鞠承之可秦州通判制

勅具官某自恢復而鄙秦為內郡宿兵之衆有損於
前而遠輸之勞至相倍蓰軍政雖簡民事為重監郡
之職專在養民有司擇材曰汝可使往辦乃事無忝
所知可

蘇文忠公集卷第九十四

制誥

文及可衛尉少卿制

勅具官某汝三公子以才行聞擢置要劇衆以為宜而師臣執謙重違其請周廬宿衛職親而務簡雖未足以究觀汝能而退食休沐下車里門斡衣子舍豈非搢紳之美談而當世之榮觀乎可

李杲卿可京西轉運副使張公庠可廣東轉運副使楚潛可廣西轉運副使吳革可江東轉運判官制

勅具官某朕即位以來發號施令務求厥中而寬者
喜縱忘先帝之約束急者心刺譟文吏之故態汝以
才能治狀達于朕聽其往知之夫治民如牧羊然視
其後者而鞭之可

童珪父參年一百二歲可承務郎致仕制

勅童珪父參古者天子巡守方岳之下問百年者就
見之而絳縣後老趙武謫其與尉今汝黃髮鮑背以
上壽聞其可使與編戶齒乎任以忠孝教而子孫可

單可度可三班借職出職制

勅其在官滋久更事亦多而無大過有足嘉者往祇

寵命益務廉平可

智誠知宜州制

勅具官某蠢爾裔夷辟之拜蟻勝之不武不勝為患
惟爾守臣威信兩立勝之以不戰消患於未萌則民
受其賜予惟汝嘉可

張仲可左班殿直制

勅某歲之不易盜賊屢作爰設勇爵以勸追胥爾能
奮身以除民患必信之賞其可忘乎可

張誠一責授左武衛將軍分司南京制

勅具官某孝治之極天下順之不予之罰民不輕犯

而貴近之間尚有誠一朕甚傷之乃者奸言詖行蠹國殘民之狀論者紛然方議其罪而恃德隱惡達于朕聽攷實其狀至不忍言詩不云乎行有死人尚或瑾之禮曰父沒而不能讀父之書以為手澤存焉今汝之所為者何為至此極也縱朕不問汝亦何顏以處搢紳之列乎可

傅變知鄭州制

勅具官某鄭廢為邑復為君輔經營繕完之勞民既告病而吏亦勤矣以爾樂易之政屢試有聞往任事實寬信以御民彊敏以御吏稱朕意焉可

姚居簡押木柅上京酬獎轉三班借職制

勅姚居簡不煩民力而辦守事會其所運罕所失亡可

張世矩再任鎮戎軍制

勅具官某高平故地夷漢雜處啓以夏政疆以戎索惟威與信並行德與法相濟則種落內附民安其生以爾習知邊情克有武略賦政之美歷年于茲夫已信之民易治已練之兵易使無改乃舊益觀厥成可

喬執中兩浙轉運副使張安上提刑制

勅具官某等夫以郵刑之道達之于主計則非聚斂

之臣以牧民之意推之於卹刑則非文法之吏以爾
執中奉使東南吏服其明民懷其惠以爾安上賦政
毘陵寬而有制嚴而不殘是以命爾各祗厥服夫民
新脫賦泉之弊以從力役之政其謹視貪吏以無害
我成法可依前件

宇文昌齡吏部郎 祝庶刑部郎制

勅具官某等古之君子以人物掌選而士不濫進以
經術斷獄而民無怨言嗚呼何脩何飾而至此歟今
吾一之以格律而不免於異議何哉昌齡以儒學進
有聞于入庶以世家用能宿其業勉思古人以稱朕
意可依前件

王續知太康縣制

勅具官某朕以天下為一亦不然畿甸之民號為根本
若近者不悅四方何觀焉爾以才選往服厥事馭吏
以明保民以寬無失朕命可

新差通判齊州張 堦可衛尉寺丞衛尉丞韓
敷立可通判齊州制

勅具官某等朕於士大夫以句便其私而無害於公者
蓋未嘗不聽矧以養親為詞而求易地固朕之所樂
聞也往服厥職各祗乃事可依前件

喬執中可吏部郎制

勅具官某士知愛身則知愛君知馭民則知馭吏故
端靜惠和之士施之內外無適而不宜朕察汝久矣
今自部使者入為天官屬無易其守以稱朕命可

供備庫使蘇子元可權知新州制

勅具官某嗚呼交趾之變蘇氏之禡十年於此矣朕
念之不衰哀亡而愍存不忍以常法待汝界之一郡
以勸事君敬之哉思所以致此者可不敬歟可

趙思明知永靜軍制

勅具官某武吏之進以守土扞城為高選而戎壘之

政以平徭決獄為餘事汝以材用往分使符知高選
之未易得而餘事之不可忽則寡過矣可

鮮于侁大理卿制

勅具官某儒者恥為文吏而廷尉不用仁人久矣流
弊之末至於誦法而不知義附勢而不知法罔羅紛
張延及無辜朕益厭之爾德惟一信道不回雖古于
張何以遠過是以命爾庶幾天下復無冤民不然者
朕豈以刑獄之事累老成哉可

吳處厚知漢陽軍費種民知通利軍制

勅具官某等漢口黎陽控引江河久廢為邑吏民不

悅比詔有司修復故壘因舊而新務適厥中平徭均賦使民宜之明致朕意以慰父老某可某可

張問祕書監制

勅具官某汝策名三朝宣力四方既有聞矣而篤老之年克已復禮稱道不亂朕聞而嘉之起之鄉閭列之朝會問國故事與民疾苦足矣不必勞以事也優游吾東觀以為士大夫之表可

范子奇將作監制

勅具官某夫以百工之事較之一路之民為輕而自部刺史入居九卿為重爾久在外服奔走之勞按視之勤亦少休乎今宮室器用皆有常法守之勿失可以寡過往若予工毋廢厥職可

錢長卿比部郎鄧義叔水部郎制

勅具官某等昔漢郎官出宰百里今自監郡以上乃與其選任益重矣非獨為官求人以濟無窮之務亦將為國儲士以須不次之舉雖會計溝洫有司之一事而馭吏捍災朕將有取焉某可

林邵太僕丞何琬鴻臚丞制

勅具官某等爾向以才選出按常平之政官省而歸復使治民蓋將因能而任焉九寺之屬近在輦轂才

之所宜易以聞達毋曠厥官朕不汝遺其可

文保雍將作監丞制

勅具官某朕仰成元老如涉得舟待以求濟苟有以燕安之使樂從吾遊而忘其老朕無愛焉大匠之屬未足以盡汝才也而從政之餘遂及爾私並事君親豈不休哉可

穆衍可全部員外郎制

勅具官某士能用其長以目表見者朕未嘗不試也要之必觀其始終然後能決其進退在此選者可不勉歟貨幣之入所以權輕重通有無而非以求富也往

服朕訓以永終譽可

孫路可陝西轉運判官制

勅具官某關右之民困於傷財辟之七年之病而求三年之艾朕日夜以思庶幾其民勇而知方以爾出入秦雍悉其利病往行所知以稱朕意可

辛押陀羅可歸德將軍制

勅具官某天日之光下被草木雖在幽遠靡不照臨以爾嘗詣闕庭躬陳琛幣開導種落歲致梯航願自比於內臣得均被於霈澤祗服新寵益思盡忠可

高子壽可三班借職制

勅某程力較技國有舊章命以一官勉思自效可

李肩可殿中省尚藥奉御直翰林醫官制

勅具官某醫雖一技蓋週妙物之神法有衆科以助
好生之德故縻好爵用勸良能無忘三世之傳庶保
十全之效可

耿政可東頭供奉官致仕制

勅具官某肇新霽澤覃及庶工雖請老以家居亦先
朝之逮事各從遷秩以龍歸休可

喬執中可朝請郎尚書吏部郎中制

勅具官某漢以郎官出半百里今以郡守選屬列曹

任人之隆於古為重有司言爾資格當遷其即正員
以茂遠業可

羅適知開封縣程之邵知祥符縣制

勅某等亦縣之衆甚於劇郡五方豪傑之林百賈盜
賊之淵蓋自平時號為難治而况市易始去逋負尚
繁役法初復農民未信以爾適學行純固有郵民之
心以爾之邵才力彊敏無媮安之意各服乃事以觀
其能不患不已知求為可知者可

杜純可刑部員外郎制

勅具官某用法如權衡權可以輕重移而衡不可以

毫髮欺故司寇之職必有守道之長貳而輔之以守
官之僚屬汝昔為士師秉節不回獨特正議以直群
枉往服厥官無易汝守以不忍之心行無心之法則
予汝嘉可

劉霆知陳留縣制

勅具官某縣劇而難治故有司艱於用人地近而易
知故才者樂於自用臨政以簡決獄以明御吏以嚴
去盜以武能此四者孰不汝知可

皇伯仲曄可贈保寧軍節度使東陽郡王制
勅祖宗之德天地並隆施及子孫皆享民社勝衣可

朝請之奉闔棺有茅土之封始終之間哀榮斯極具
官某寬厚寡過雍容不常生不勤於父師沒見思於
姻族既得考終之道可無追遠之恩豹尾神旗守臣
之威命金璽盤綬諸侯之寵章服我龍光以貴窳窳
可

杜紘可右司郎中制

勅具官某士一歷都司即踐清要非一時名勝不在
此選爾以文無害而宏其業往服乃事益茂厥德以
稱朕命可

皇城使裴景和慈州莊宅副使郭逢知階州

西京左藏庫副使王克詢知順安軍制

勅具官某等朕銓擇以行吏視其才力強敏可任以事者必試之治民苟不知愛民奉法馭吏而戢士雖智勇有聞朕無取焉爾等皆以考績察廉號稱明練薦者交章故在此選往昭服厥官無失朕命可依前件借職楊晟該在左使吳奉雲等各轉一官制勅某等向勅邊臣增葺耳城堡所以護安民夷各全其生爾能相率獻田出力有足嘉者服我爵秩永保忠順可

呂大忠可發運副使制

勅具官某發運使按治六路所部幾萬里持節出使未有若此其重者也以爾更練世故果於從政屢試劇部厥聲藹然是以命爾均南北之有無權貨幣之輕重使農末俱利公私宜之以稱朕意可

蔣之奇可集賢殿修撰知廣州制

勅具官某按治嶺海竒制南極聲教所暨得聞風采自唐以來不輕付予朕既擇其人復寵以祕殿之職使民夷衆觀知其輟自禁嚴以見朝廷重遠之意其於服從畏信豈不有助也哉可

謝卿材可陝西轉運使制

勅具官某治邊者不計財惟邊之所用治財者不卹民惟財之為富此古人之通患也朕知汝才智可倚忠厚可信故以西方之政責成於汝往與帥守者謀之惟適厥中以民為上平可

李曼知果州制

勅具官某蜀之人治蜀必知其好惡察其情偽宜若易然又况於寬而明和而毅如汝曼者手乃者無實之訴朕既察之矣乘傳而歸平賦役省條教以慰父老之望可

黎珣知南雄州制

勅具官某嶺海之遠吏輕為奸非良守令民無所赴告往祗厥官如在近甸則予汝嘉可

張赴再任乾寧軍制

勅具官某使者言汝為政有方民甚宜之當解而留以慰民望可不勉哉可

皇伯仲嬰可贈奉國軍節度使追封申國公制

勅祖宗之意仁孝為先孝故專篤於親仁故閔勞以事雖豐功盛烈不見於宗室而令名美實克全於始終死喪之威哀歎何及具官某少而簡素輔以溫文

既克己以歸仁亦樂善而忘勢信順多助蓋大有上
吉之祥高明令終真既醉太平之福建元戎之六
錫上公之九重維以勸忠豈云虛授庶幾幽壤服我
寵靈可

林邵開封府推官制

勅具官某天府之劇古稱難治非無人之資有不能
濟今自逋負逃亡悉歸之四廂宜若易辦然夫辦之
易則責之詳爾材敏素聞而以舉用往助乃長使治
衆如治寡以稱所舉可

鄧義叔可主客郎中王如可水部郎中制

勅具官某等吏惡數易而事有不得已者通商惠農
水政為急而招攜柔遠賓客之事亦重矣各祗乃事
為安官樂職之計可依前件

王荀龍知州制

勅具官某平原厭次沃野千里桑麻之富衣被天下
宜得老成循吏以輔安良民式遏奸慝訪之左右咸
曰汝宜往悉乃心朕將觀焉可

黃憲童獲賊可承事郎制

勅具官某勞能之賞不計日月爵祿之報必視首功
宜從遷秩之榮以勸追胥之勇可

御史中丞劉摯可兼侍讀制

勅孟子有言君仁莫不仁君義莫不義一正君而天下定矣朕惟臺諫言責之臣雖知無不言常救之於已失而勸講進讀之士蓋朝夕納誨故日久而不知合於孟子正君之義非獨有司之事也具官某以道事君非法不言使朕日聞所不聞天下稱焉宜因古今册書之成文取其興壞治忽之要論言之於無事救之於未失使朕立於無過之地豈非汝爭臣之大願乎可

處士王臨可試太學錄制

勅具官某觀近臣以其所為主觀遠臣以其所主朕初不汝知也而先論汝可用其試之太學汝勉之矣朕既因先以知汝亦將考汝所為而觀先焉可

皇叔克眷可贈曹州觀察使追封濟陰侯制

勅先王建邦啓土必先宗盟上自魯衛下至應韓側室之子莫不南面國家自仁率親專於教愛故生無吏責而富以祿沒享隆名而告諸幽忠忘之道可謂備矣具官某以茂義之質服信厚之化雖功名才業不見於用而恭儉孝悌刑于厥官命以庶車即侯其地皆國之舊非朕敢私庶幾有知服我休命

寇彥卿彥明左班殿直制故祝繼城寇彥

勅某等士不難以身徇國朕獨何愛一官不以收卹

其家乎祗服朕命毋忘死者可

駙馬都尉張敦禮可節度觀察四後制

勅軒冕之來德量為稱外無充詘之容可以觀德內
若固有之安可以言量具官某少以經術秀於士林
雖緣姻戚之選不失儒素之行日奉朝請既抱才而
未試坐閱歲月亦久次而當遷進居兩使之間增重
諸倩之遇益勵士節以為國華可

內人張氏可特封典贊制

勅張氏朕幼學之初未就外傳命爾執業以侍左右
勤勞有年恭慎寡過進掌儀範以旌徽柔可

故尚宮口趙氏可特贈郡君制

勅趙氏先朝左擇女士以輔陰教侍御左右罔非淑
人矧茲六尚之選必備四教之法奄焉淪喪宜極哀
榮以爾名族之英掖庭之舊行應圖史言中物則彤
管有煒既傳好德之芳象服是宜無愧飾終之典庶
幾幽壤服我帝能章可

馮宗首之可右駙驥使內侍省內侍押班梁惟

簡可之思副使內侍省內侍押班制



原件短缺

勅具官某等三爵祿天下之公器也朕不敢以私暱之
愛而輕用其官只亦不敢以近習之嫌而不錄其功以
爾等小心忠老遠事列聖出入中外劬勞百為而宗
道以藩邸攀附之動惟簡以東朝奉事之久各還所
寄加重其任益勵素守以稱異恩可依前件

制 梁從吉可選郡團練使入內內侍省副都知

勅祖宗之化自家刑國故雖左右近習之臣莫不好
善而知義彬彬然有士君子之風焉具官某莊重有
守溫良寡過給事官省知無不為服動邊徼克有成

綜以爾等才力之選卓然有聞治辦之效見于已試
朕雖招攜來遠不求邊功爾當積穀訓兵常若寇至
祇率厥服往惟欽哉可依前件

梁諲可供備庫副使轉出制

勅具官某奉事之久累勞當陞求從外遷亦各其志
進貳諸使往齒外朝益務廉平以荅休寵可

燕若古知渝州制

勅具官某汝向以才選奉使東方言省而歸因以得
郡蓋可謂異恩矣巴峽之險邑居編陋負山臨谷以
爭尋常獨渝為大州水土和易商農會通賦役爭訟

甲於傍近汝毋以僻遠鄙夷其民欽哉可

刪定官孫諤鮑朝賓並宣義郎制

勅具官某等廷見改官法之所嚴也歲月之課保任之數差若銖黍輒不得遷今於汝獨略之者豈非以制法定令汝與其議故歟祇服朕命以法自律無徒知之可

王振可大理少卿制

勅具官某任法而不任人則法有不通無以盡萬變之情任人而不任法則人各有意無以定一成之論朕虛心以聽人法兼用以爾出入中外敏於從政

李顓可宣德郎制

平奏讞審於用律廷尉之事爾惟副之夫法出於禮本於仁成於義勉思古人以稱朕命可

趙思明可西上閣門副使制

勅具官某國之宗臣義同休戚故文終之後配漢並隆梁公之孫與唐無極國家佐命元老獨高韓王銘

勲太常侑食清廟爰自近歲歎其中微乃眷裔孫尚
有遺烈宜因近侍之請進陞上閭之貳勉蹈祖武副
朕懷人追遠之心可

李承祜可內殿崇班制

轉出

勅具官某奉事滋久累勞當遷遂齒外朝搢紳之列
益思忠蓋毋忝恩榮可

蕭士元知隰州趙永寧知永靜軍制

勅具官某等文武異用而其道同軍國異容而其情
一爾以才選往莅厥服惟少私寡欲則民自靖惟奉
法循理則吏自畏祗率朕訓欽哉可

黃光瑞可內殿崇班制

勅某朕覆養華夷義均臣子慎重爵賞必加有功以
爾昔助王師遠獲逋寇歷年滋久宜示異恩服我寵
休永思忠藎可

皇兄令夬可贈博州防禦使博平侯制

勅爵齒之貴並隆於朝廷死喪之威莫先於兄弟禮
有褒卹義兼衣祭故具官某端厚有常靖恭寡過生
不動於保傳沒况思於族姻宜分竹符就賜節社服
予博敘之寵慰爾永歸之魂可

太皇太后冊從弟高士續高士凝可並左班

殿直文思副使梁惟簡可皇城副使制

勅具官某等朕惟坤元成物之恩雖以天下養無足稱其德者故推餘澤以及葭莩之親左右奉事之臣雖天地之施無所報塞尚勉忠孝以答萬一可

朱光庭可左司諫王覲可右司諫制

勅具官某等惟善人能受盡言故昔之諫者常有不容之憂然有志之士猶且不顧忠義所以憂患可忘今朕恭己無為虛心以聽汝等所論蓋無虛日朕亦有拒而下聽聽而不用者乎各服新命盡所欲言言而不從朕則有愧知而不言汝亦負朕可不勉哉可

鮮于侁可左諫議大夫梁燾可右諫議大夫

制

勅仲虺言湯之德曰改過不吝孔子論一言而喪邦曰惟予言而莫予違嗚呼天下之治亂安危有不出於此者乎朕夙興夜寐思聞其過庶愆曰朕之愆不啻不敢含怒而况於左輔右弼之臣歟具官鮮于侁邦之老成久試于外金石之節皓首不衰具官梁燾出入館殿蓋二十年守道篤志無所阿附皆吾爭臣之選也朕之於事無必無我可則行之否則更之使天下曉然知朕樂聞其過書之史冊是為美談若乃

進則詭詞退則焚草表世之事朕無取焉可

王巖叟可侍御史制

勅具官某爾以御史論事稱職擢居諫垣而能秉心
不回忠言屢聞考其所爭之義皆有可行之實予維
寵嘉之茲復命爾往貳執法樂於從善朕志亦可見
矣易曰大君有命開國承家小人勿用必亂邦也爾
謹視中外毋縱詭隨以成我純一之政可

錢勰可給事中制

勅朝廷之政根本於中書而樞機於門下出入考慎
然後布之天下一成而不反後世有述焉雖用人惟

均而至於封駁之任其選尤重具官某文學議論世
其先人典章憲度博通前世詞命之富多而愈工風
力之優煩而不亂其服新命益脩厥官使為政者難
於造令而承流者無所議法則惟汝賢可

林希可中書舍人制

勅文章之變與時盛衰譬如八音可以觀政而况誥命
之出學者所師號令以之垂輕風俗因而厚薄本朝革
五代積衰之氣繼兩漢爾雅之文而大道中微異端所
汨欲復祖宗之舊必以訓詞為先故難其人不以輕授
具官某博聞強識篤學力行綽有達安之風流逮聞

正始之議論往踐外制為朝廷常潤色其精微期配昔人使天下識典刑之髣髴務究所學朕將觀焉可

韓忠彥黃履並特轉朝請郎制

勅考績之法三代共由雖予左右之信臣猶以歲月而敘進率循其舊示不爾私具官韓忠彥頎然異材奮以儒術典朕三禮識古人之大全歷事四朝有宗臣之餘烈黃履受材閔深秉德純周入踐星省休祗烈有老成之風出領藩垣遂無東顧之念祗服新命益脩厥官尚勵有為之心以需不次之舉可皇叔祖克愛皇叔仲虢並遙郡團練使制勅朕不以親廢法亦不以義掩恩故宗室之英雖不

任事而歲月之考必付有司以爾具官克愛篤行有常率履如一以爾具官仲虢居寵而戒好德不回既累日以當遷非無名而虛授益務忠敬以保厥家可

王獻可洛苑使制

勅具官某傳不云乎詩書義之府禮樂德之則禦侮扞城亦儒者之事也汝以詞學進而以武幹聞肆予虎臣謂汝可用往服新命以成汝志可

陳次升可淮南提刑制

勅具官某春秋書無麥禾蓋病之也今吾淮甸之民夏旱秋水望熟於來歲辟如負重涉遠未知所舍朕

甚憂之汝自百里長以才能選為朕耳目其往按視
省刑獄均力役督盜賊去姦姦吏使民忘其災以稱朕
意可

杜純可大理少卿制

勅具官某治獄得其道仁及幽顯澤流子孫苟非其
人災及草木身任其徇朕敬而畏之久難其人以爾
用法平直守道純固不以進退榮辱抑揚其心故在
此選靡不有初終之實難可不勉哉可

郭峻可開封府司錄丞軍制

勅具官某汝昔為獄官不撓于執事以陷無辜之人
坐失厥職秉義不回有足直如者往隸天府總攝群掾
毋易汝守朕將觀焉可

蘇文忠公集卷第九十五

內制貼子詞語致語口號附

端午貼子詞

皇帝問六首

盛德初融後潛陰未始時侍臣占易象明兩作重離
採秀擷群芳深儲百藥良太醫初薦艾庶草驗蕃昌
微涼生殿閣習習滿皇都試問吾民愠南風為解無
西檻新來玉宇風侍臣茗盃得雍容庭槐似識天顏
喜舞破清陰作兩龍

講餘交翟轉回廊始覺深宮夏日長揚子江心空百

鍊只將無逸鑿興亡

一扇清風洒面寒應緣飛白在冰紈坐知四海蒙膏澤沐浴君王德似蘭

太皇太后閣六首

漸臺通翠浪暑殿轉清風簾卷東朝散金烏未遽中
白永蚕收簇風高麥上場朝來籍田令菰黍獻時芳
舞羽諸羌伏銷兵萬彙蘇只應黃紙誥便是赤靈符
令節陳詩歲歲新從官何以壽吾君願諸醫國三年
艾不作沉湘九辯人

忠臣諒節今千歲孝女孤風滿四方不復巫陽占郢

夢空餘仲御扣河章

長養恩深動植均只憂貪吏尚殘民外廷已拜臬羹
賜應助吾君去不仁

皇太后閣六首

露簟琴書冷瑤盤餐餌新深宮猶畏日應念暑耘人
萬壽菖蒲酒千金琥珀杯年年行樂處新月挂池臺
翠筒初室棟鄉黍復纏菰水殿開冰鑑瓊漿凍玉壺
秘殿扶踈夏木深雨餘初有一蟬吟應將羸女乘鸞
扇更助南風長棘心
上林珍木暗池臺蜀產吳包萬里來不獨盤中見盧

橘時於棧裏得楊梅
閔楚遺風萬古情
湘沅舊俗到金明
翠輿黃繖何時
幸畫鷁飛鳧盡日橫

皇太妃閣五首

午景簾櫳靜薰風草木酣
誰知恭儉德綵縷出親蚕
雨細方梅夏風高已變秋
應怜百花盡綠葉暗紅榴
辟兵已佩靈符小續命仍縈綵縷長不為祈禳得天
助望隨風俗樂時康
玉盆沉李灑清泉金鴨吐空裊細煙自有梧楸郵畏
日仍欣麥黍報豐年

良辰樂事古難同
繡爾朱絲奉兩宮
仁孝自應禳百
沴艾人桃印本無功

夫人閣四首

肅肅槐庭午沉沉玉漏稀
皇恩樂佳節闔草得珠璣
節物荆吳舊嬉遊禁禁閑
仙風隨畫筵拜賜落人間
五綵縈筒林稻香千門結艾
鬢髯張旋開玉典尋風
物要及靈辰共被禳
欲曉銅餅下井欄鏗鏗金殿發清寒
似聞人世南風
熱日上墻東問幾竿

春貼子詞

皇帝閣六首

藹藹龍旂色琅琅木鐸音數行寬大詔四海發生心
暘谷賓初日清臺告協風願如風有信長與日俱中
草木漸知春萌芽處處新從今八千歲合抱是靈椿
聖主憂民未解頰天教瑞雪報豐年蒼龍挂關農祥
慶一作老稚相呼看籍田
昨夜東風入律新玉關知有受降人聖恩與解河湟
凍得共中原草木春
翰林職在明光裏行樂詩成拜舞中不待驚開小
李始知天子是天公

太皇太后閣六首

彫刻春何力欣榮物自知發生雖有象覆載本無私
小殿黃金榜朱簾白土鈎一聲雙日蹕春色滿皇州
仗下春朝散宮中晝漏稀兩廂休侍御應下讀書帷
五日占雲十日風憂勤終歲為三農春來有喜何人
見好學神孫類祖宗
共道十年無臘雪且欣三白歷春田盡驅南畝扶犁
手稍發中都朽貫錢
不獨清心能省事應緣克己自消兵傳聞塞外千君
長欲趁新年賀太平

皇太后閣六首

瑞日明天仗仙雲擁壽山倚欄春晝永金母在人間
寶冊瓊瑤重新庭松柱香雪消春未動碧瓦麗朝陽
朝罷金鋪掩人閑寶瑟塵欲知慈儉德書史樂青春
仙家日月本長閑送臘迎春亦偶然翠管銀鬕傳故
事金花綵勝作新年
彤史年來不絕書三朝德化婦承姑宮中侍女減珠
翠雪裏貧民得袴襦
邊庭無事羽書稀閑
事今年春日得春衣
追詞臣進小詩共助至尊歌喜

皇太妃閣五首

葦桃猶在戶椒栢已稱觴歲義風光應朝回日漸長
申觀開千柱飛樓擢九層雪殘烏鵲喜翔舞下觚稜
孝心日奉東朝養儉德應師太妃一作繅風太史新年
瞻瑞氣四星明潤紫宮中

九門挂月未催班清禁風和玉漏閑崇慶早朝銀燭
下珮環聲在五雲間

東風弱柳萬絲垂的皪殘梅尚一枝璽館乍欣蚕浴
後棋壇猶記燕來時

夫人閣四首

綵勝縷新語酥盤滴小詩昇平多樂事應許外廷知
細雨曉風柔春聲入御溝已漂新荇沒猶帶斷冰流
扶桑初日映簾昇已覺銅餅暖不冰七種共挑人日
菜千枝先剪上元燈
雪消鴛瓦已流澌風暖犀盤尚鎮帷縹緲紫簫明月
下壁門桂影夜參差

內中御侍已下賀皇帝冬至詞語元祐二年

伏以月臨天統首冠於三正氣應黃宮復來於七日
君道浸長陽德光亨恭惟 皇帝陛下清明在躬仁
孝遍物垂衣南面天何言而四時成問學西清日將

旦而群陰伏裔夷奔走年穀順成豈惟四海之歡心
自識三靈之陰贊如川方至受命無疆妾等待罪掖
庭備員婦職共慶一陽之節敢陳萬壽之觴

內中御侍以下賀 太皇太后冬至詞語

伏以消長有時候微陽之來復賢愚同慶知君子之
彙征德化所加神人並應恭惟 太皇太后陛下睿
明天縱慈儉身先振河嶽以不傾地無私載順陰陽
而自化天且不違成功已陋於漢唐論德蓋高於任
如大有上吉方獲助於三靈既醉太平當純備於五
福妾等職參長御心奉 慈闈慶陽德之朋來願天壽

之平格

內中御侍已下賀 皇太后冬至詞語

伏以矇眊奏功驗人和於緹室日官占物效歲美於黃雲慶自宮庭澤均海宇恭惟 皇太后殿下輔佐內治儀刑王家推美國風夙茂周南之化考祥義易共成坤厚之功方迎日於三微敢稱觴於萬壽豈獨宮闈之願實同中外之歡 驪妾等猥以微軀被蒙慈渥仰獻岡陵之祝庶殫草木之誠

內中御侍已下賀 太皇太后年節詞語

二年十月

伏以太族旋宮既贊陽而出滯句芒司曆方布德以緩刑共惟 太皇太后陛下化始六宮風行九有捐財振廩救民溝壑之中求賢審官拔士茹茨之下方履端之資始膺景福於無疆妾等幸侍禁嚴粗供婦職願獻岡陵之壽少輸草木之誠

內中御侍已下賀 皇帝年節詞語

伏以齊七政於璣衡天人並應受三朝之圖籍海宇來同共惟 皇帝陛下至仁無私神武不殺祖述堯帝歷象以授民時儀刑文王正家而齊天下方肇新於歲律宜嚮用於神休妾等幸侍禁嚴仰陶化育願

上萬年之壽永膺百順之祥

內中御侍已下賀 皇太后年節詞語

伏以三元寶始礫穰以饑餘寒百寶更新燔烈以興
嗣歲共惟 皇太后殿下道光媯內德配周南輔導
兩朝孝慈格于上下儀刑九御恭儉聞於邇遐順履
三陽誕膺百祿妾等幸班禁掖久被餘光莫報生成
之恩但祝靈長之筭

內中御侍已下賀 皇帝冬至詞語元祐

伏以日合天統時惟建子之正律中黃鍾氣驗微陽
之應德施自上惠均於民共惟 皇帝陛下道配皇

王化行夷夏觀其來復見乎天地之心靜以無為待
此陰陽之定雲物告瑞宮聲協和豈惟至治之祥自
得上天之祐一人有慶萬壽無疆妾等蒙被天光叨
塵婦職敢獻如山之祝少同率土之懽

內中御侍已下賀 皇太后冬至詞語

伏以書奏清臺驗曆家之邃密日移黃道迎化國之
舒長寰宇和平宮闈驩豫共惟 皇太后陛下教
隆陰禮位正坤儀嗣太任之徽音道光千古衣明德
之大練儉化六宮體柔靜以臨朝配清明而燭物慶雲
可望共占至治之祥彤史何知莫贊無為之德妾等

猥參女職仰奉慈顏因來復之一陽祝無疆之萬壽

內中御侍已下賀 皇太后冬至詞語

伏以候氣葭灰喜律筩之已應課功綵線知宮日之
初長品物向榮掖庭胥悅共惟 皇太后殿下母臨
四海婦順東朝求賢審官但有憂勤之志躬儉節用
史服澣濯之衣宜福祿之日康樂宮闈之無事妾等
濫塵末職獲奉慈顏願先酌酒以稱觴更指椿年而
獻壽

生獲鬼章百僚稱賀宣荅詞

太皇太后

種羌叛漢西鄙緹騎首出偏師遂擒元惡安邊之喜
與卿等同之

皇帝

凶狡就俘羌戎一震既增吏士之氣亦寬戍守之勞
靖寇息民與卿等同喜

紫宸殿正旦宴教坊詞

教坊致語

臣聞行夏之時正莫加於人統揀周之舊王方在於
鎬京惟吉月之卯和沐庶工而未作使華遠集鄰好
交脩萃替笏於九門來車書於萬里將興嗣歲以樂

太平共惟 皇帝陛下躬履至仁誕膺眷命法天地
四時之運民日用而不知傳 祖宗六聖之心我無
為而自化九德咸事三年有成始御八音之和以臨
元日之會人神相慶夷夏來同臣等忝與賤工得親
壯觀知輿情之艱頌頌盛德之難形不度荒蕪敢進
口號

口號

九霄清蹕一聲雷萬物欣榮意已開曉日自隨天仗
出春風不待斗杓回行看莒葉催耕籍共喜椒花映
壽杯欲識太平全盛事振振鸞鷟滿雲臺

勾合曲

東風應律南籥在庭餞臘迎春方慶三朝之會登歌
下管頽聞九奏之和上悅天顏教坊合曲

勾小兒隊

工師奏技咸踊躍以在庭推孺聞音亦回翔而赴節
方資共樂豈間微情上奉宸歡教坊小兒入隊

隊名

仙山來絡節雲海戲群鴻

問小兒隊

六樂充庭九賓在列何彼垂髫之侶欲陳振袂之能

必有來誠少前敷奏

小兒致語

臣聞正月上日禹彙所以更新群臣嘉賓四方於是
觀禮雪方呈於上瑞風已告於先春及此良辰設為
高會共惟 皇而陛下子來九有天覆兆民煥乎其
有文章昭然若揭日月安西都護來輸八國之琛南
極老人出效萬年之壽還圭璋於鄰使受圖籍於春
朝擊石投金奏鈞天之廣樂跳毬舞索戲平樂之都
場臣等沐浴太平詠歌新歲鼓舞咸韶之韻踰揚鳥
獸之間未敢自壽伏候進止

勾雜劇

以雅以南既畢陳於衆技載色載笑期有悅於威顏
舞綴暫停優詞間作金絲徐韻雜劇來歟

放小兒隊

酒闌金殿既均湛露之恩漏減銅壺曲盡流風之妙
望彤墀而申祝整翠袂以言歸再拜天堦相將好去

興龍節集英殿宴教坊詞

教坊致語

臣聞帝武造周已兆興王之迹日符胙漢實開受命
之祥非天私我有邦惟聖乃作神主仰止誕彌之慶

集于建丑之正瑞玉旅庭爰講北鄰之好虎臣在泮
復通西域之琛式燕示慈與人均福共惟 皇帝陛
下睿思冠古濬哲自天煥乎有文日講六經之訓述
而不作思齊累聖之仁夷夏宅心神人協德卜年八
百方過曆以承天有臣三千咸一心而戴后彤庭振
袂玉座傳觴誦干戈載戢之詩作君臣相悅之樂斯
民何幸白首太平臣猥以微生親逢盛旦始慶倚蘭
之會願賡擊壤之音下採民言上呈口號

口號

凜凜重瞳日月新四方驚喜識天人共知若木初升

旦且種蟠桃莫計春請東熏山歸屬國給扶黃髮奉
嚴宸紫皇應在紅雲裏試問清都侍從臣

句合曲

祝堯之壽既鑿於歡謠象舜之功頌觀於備樂羽旄
在列管磬同音上奉嚴宸教坊合曲

句小兒隊

魚龍奏技畢陳詭異之觀齟齬成童各效回旋之妙
嘉其尚幼有此良心仰奉宸慈教坊小兒入隊

隊名

兩階陳羽籥萬國走梯航

問小兒隊

工師在列各懷自獻之能
浪子盈庭必有可觀之技
未知來意宜悉奏陳

小兒致語

臣聞生民以來未有祖宗之仁厚上帝所眷錫以聖
神之子孫享佑下民篤生我后瞻舜瞳之日月望堯
顙之山河若帝之初達四聰於無外如川方至傾萬
宇以來同共惟 皇帝陛下齊聖廣淵剛健篤實識
文武之大者體仁孝於自然歌詩思齊見文王之所
以聖誦書無逸法中宗之不敢康誕日載臨輿情共

祝神筴授苗七年之筭洛書開五福之祥臣等嬉遊天
堦沐浴皇化欲陳舞蹈之意不知手足之隨

雜劇

金奏鏗純既度九韶之曲霓衣合散又陳八佾之儀
舞綴豐停以優間作再調絲竹雜劇來歟

小兒隊

游童率舞逐物性之熙恬小技畢陳識天慈之廣大
清歌既闋鼙鼓屢催再拜天堦相將好去

勾女童隊

垂鬟在列歛袂稍前豈知北里之誠欲獻南山之壽

霓旌空集金奏方諧上奉威顏兩軍女童八隊

隊名

君臣千載遇歌舞八方同

問女童隊

摻搗屢作旌旆前臨頽遊女之何能造彤庭而獻技
欲知來意宜悉奏陳

女童致語

妾聞瑞乙來翔共紀生商之兆群龍下集適同浴佛
之辰佳氣充庭和聲載路輦出房而雷動扇交翟以
雲開喜動人天春還草木共惟皇帝陛下疑神昭

曠受命穆清三后在天宜興王之世有四人迪指知
享國之無窮乃眷良辰欲均景福庭設九賓之禮樂
歌四牡之章妾等幸觀昌朝獲瞻文陛雖乏流風之
妙願輸率舞之誠云云

勾雜劇

清靜自化雖莫測於宸心詼笑雜陳亦俛同於眾樂
金鈿再舉雜劇來歟

放女童隊

分庭久立漸移愛日之陰振袂再成曲盡回風之態
龍樓却望翼聖鼓屢催再拜天堦相將好去

集英殿春宴教坊詞

教坊致語 中和化育萬壽排場

臣聞人和則氣和故王道得而四時正今樂猶古樂故民心悅而八音平幸此聖朝陶然化國飭三農於保介維莫之春興五福於太平既醉以酒共惟 皇帝陛下乘乾有作出震無私憲章六聖之典謨斟酌百王之禮樂天方胙於舜孝人已誦於堯言故得彝倫敘而水土平比流軌道壬人返而蠻夷服西旅在庭稍寬中具之憂一均湛露之澤方將麴蘖群賢而惡旨酒鼓吹六藝而放鄭聲雖白雪陽春莫致天顏

之一笑而獻芹負日各盡 野人之寸心臣猥以賤工叨塵法部幸獲望雲之吉 敢陳擊壤之音不揆無才

上進口號

口號

萬人歌舞樂芳辰長養田心深第四春令下風雷常有信時來草木豈知仁璿璣已正三堦泰玉琯初知九奏純更欲年年同此樂故 應相繼得元臣

勾合曲

太平無象善萬物之得時和氣致祥喜八風之從律大合鈞天之奏克諧治世之音上奉嚴宸教坊合曲

勾小兒隊

斑白之老既無負戴之辱
齷齪之童亦遂嬉遊之樂
行歌道路聯袂開庭仰奉
宸慈小兒入隊

隊名

初成莫春服來獻太平謠

問小兒隊

聚戲里閭豈識九重之輿
成文綴兆忽隨六樂之和
宜近彤墀悉陳來意

小兒致語

臣聞春為陽中生物各遂
其性樂以天下聖人豈私

其身故飲食盡忠臣心而遊豫為諸侯度方遲日之
無事矧嗣歲之有年大啓璧門肅陳燕豆共惟皇
帝陛下道隆而德備質文而生仁總攬群材蓋天授
之神策澄清庶政故民獻以寶符頌良辰樂事之難
并宜群臣嘉賓之並集席場千步方山立於衆工大
樂九成固海函於雜技臣等沐浴膏澤咏歌昇平幸
以髡髦之微得參舞羽之末敢干宸聽伏俟俞音

勾雜劇

臚傳已久陛楯將更宜咨
載笑之歡少進群優之技
緩調絲竹雜劇來歎

放小兒隊

清歌屢奏蓋曲盡於下佳
日妙舞載陳示不遺於小物
既畢沛風之和稍同沂水
之歸再拜天階相將好去

勾女童隊

燕私之樂下侍於臣工
庶曼之觀聊同於俚俗
審音而作振袂稍前上奉宸
臨似兩軍女童入隊
隊名
瑞日明歌扇仙飈動舞衣

問女童隊

工師奏技侍衛聳觀頷
游女之何施集彤庭而有待
欲知來意宜悉敷陳

女童致語

妾聞聖人授民以時王者與眾同樂故倉庚鳴而鷦鷯
女出游魚躍而靈沼春蓋良辰豈易得哉亦賢者而
後樂此伏惟 皇帝陛下温恭允塞緝熙光明學無
常師文武識其大者仁能濟眾堯舜其猶病諸齊泰
階之六符走重譯之萬里天人並應禮樂將興豈惟
塵土之賤微敢度乾坤之廣大萬舞九奏雖未象於
成功間歌三終亦庶幾於頌德欲殫末技少効寸誠

勾雜劇

風斜御柳既窮綺麗之觀日轉庭槐少進詼優之戲

再調絲竹雜劇來歟

放女童隊

翠袖風回已盡折旋之妙文因霞卷尚觀碩步之餘
再拜天墀相將好去

集英殿秋宴教坊詞

教坊致語

臣聞天無言而四時成聖有作而萬物覩清靜自化
雖仰則於帝心愷悌不回亦俛同於衆樂屬此九秋
之候粲然萬寶之成吾王不游何以勞宸而休老君
子如喜則必大身以養賢共惟 皇帝陛下孝通神

明仁及草木行堯舜之大道守成康之小心華夷來
同天地並應以謂福莫大於無事瑞曷加於有年南
極呈祥候秋分而老人見西夷慕義涉流沙而天馬
來嘉與臣工肅陳燕俎禮元侯於三夏諧庶尹於九
成宣示御觴聳近臣之榮觀臚傳天語溢兩廡之歡
聲臣等幸觀昌辰叨塵法部採謠言於擊壤助矇眊
之陳詩仰奉威顏敢進口號 口號

霜霏碧瓦尚生煙日落彤庭已集仙藹藹四門多吉
士熙熙萬國屢豐年高秋爽氣明宮殿元祐和聲入
管絃菊有芳兮韻則有秀從臣誰和白雲篇

勾合曲

西風入律間歌秋報之詩南籥在庭備舉德音之器
絃匏一倡鍾鼓異陳上奉宸嚴教坊合曲

勾小兒隊

皇慈下逮罄百執以均歡衆技畢陳示四方之同樂
宜奏垂髫之伎來修秉翟之儀上奉威顏教坊小兒
入隊

隊名

登歌依頌磬下管舞成童

問小兒隊

大君有命肆陳管磬之音童子何知入造工師之末
欲詳來意宜悉奏陳

小兒致語

臣聞天行有信正得秋而萬寶成君德無私日將出而
群陰伏清風應律廣樂在庭占歲事於金穰望天顏
之玉粹沐浴膏澤詠歌昇平共惟 皇帝陛下天縱
睿明日躋聖知無一物之失所得萬國之歡心雖擊
壤之民固何知於帝力而後天之祝亦各抒於下情
臣等幸以齟齬之年得居仁壽之域詠舞雲於沂水
久樂聖時唱銅鞮於漢濱空慙郢里一作曲敢陳舞綴

有之年申以示慈之會虞韶既畢夏籥將興妾等分綴以湏審音而作頌俟工歌之闋少同率舞之歡云

句雜劇

絃匏近奏十羽畢陳洽聞舜樂之和稍進齊諧之技金絲徐韻雜劇未歟

放隊

羽觴湛湛方陳既醉之詩鼉鼓淵淵復奏言歸之曲
我鬢佇立歛袂却行再拜天堦相將好去

興龍節集英殿宴教坊詞

教坊致語

臣聞天所眷命生而神靈惟三代受命之符萃于茲日實萬世無疆之福延及我民候極之祥輝交北鄰之瑞節同趨鎬燕爭頌堯封共惟皇帝陛下稽古溫文乘乾剛粹體生知而猶學於藏於用於何言故得六聖垂休三靈眷佑德隆皇畧齊六符而泰階平河行地中錫九疇而彝倫正屬誕彌之令且履長發之嘉祥夙設九賓於庭遍舞六代之樂日無私於臨照葵藿自傾天有信於發生勾萌益植臣等濫塵法部獲造彤墀下採民言得三萬里之謠頌登歌壽宇以八千歲為春秋不度蕪音敢進口號

少奉宸歡云云

勾雜劇

朱絲玉瑄屢進清音華翟文竿少停逸綴宜進詠諧
之技少資色笑之歡上悅天顏雜劇來歟

放小兒隊

回翔丹陛已陳傾就作日之誠合散廣庭曲盡流風
之妙歌鍾告闕羽籥言旋云云

勾女童隊

錦薦雲舒來九成之丹鳳霞衣鱗集隱三疊之靈囂
上奉宸嚴教坊女童入隊

隊名

香雲浮綉宸花浪舞彤庭

問女童隊

清禁深嚴方縉紳之雲集仙音擘緩忽簪珥之星陳
徐步香茵悉陳來意

女童致語

妾聞鈞天廣樂空傳帝所之游閭闔清風理絕庶人
之共夫何仙聖靡隔塵凡仰瞻八彩之威自慶千齡
之運共惟皇帝陛下乾健而粹離明而文規模六
聖之心人將自化儀刑文母之德天且不違樂茲大

有之年申以示慈之會虞韶既畢夏籥將興妾等分綴以頌審音而作頌俟工歌之闕少同率舞之歡云

句雜劇

絃匏近奏十羽畢陳洽聞舜樂之和稍進齊諧之技金絲徐韻雜劇未歟

放隊

羽觴湛湛方陳既醉之詩鼉鼓淵淵復奏言歸之曲
我鬢佇立斂袂却行再拜天堦相將好去

興龍節集英殿宴教坊詞

教坊致語

臣聞天所眷命生而神靈惟三代受命之符萃于茲日實萬世無疆之福延及我民候極之祥輝交北鄰之瑞節同趨鎬燕爭頌堯封共惟皇帝陛下稽古溫文乘乾剛粹體生知而猶學於藏於用於何言故得六聖垂休三靈眷佑德隆皇畧齊六符而泰階平河行地中錫九疇而彝倫正屬誕彌之令且履長發之嘉祥夙設九賓於庭遍舞六代之樂日無私於臨照葵藿自傾天有信於發生幻萌益指臣等濫塵法部獲造彤墀下採民言得三萬里之謠頌登歌壽宇以八千歲為春秋不度蕪音敢進口號

口號

風卷雲舒合兩班
曠曠瑞日映天顏
書已獲千秋
鏡積德長為萬歲山
臘雪未消三務起
壬人不用五
兵閑相逢父老爭相賀
却笑華胥是夢間

勾合曲

笙磬同音考中聲於神
瞽鳥獸率舞
和氣於敷天
上奉宸歡教坊合曲

勾小兒隊

衆技旒庭振歡聲於無外
游童頌聖陶至化於自然
上奉皇威教坊小兒入隊

隊名

壤歌皆白髮象舞及青衿

問小兒隊

跳踉廣陌初疑竹馬之游
合散彤墀忽變驚鴻之狀
欲知來意宜悉敷陳

小兒致語

臣聞流虹啓聖非人力所致之符
湛露均恩與天下
共享其樂
旁行海宇外
薄戎夷咸欣載
夙之辰共獻
無疆之祝
共惟
皇帝陛下
神武不殺
將聖多能
天
生德於予
既稟徇齊之質
人樂告以善
輔成經緯之

文法慈儉於東朝，綉書詩於西學。載臨誕日，俛答輿情，非為靡曼之觀，庶備太平之福。臣等微樂一作生韶，齋學樂父師，就列紛紜，雖無殊於鳥獸，赴音俛仰，亦少効於涓塵云云。

勾雜劇

樂且有儀，方君臣之相悅，張而不弛，豈文武之常行。欲佐歡聲，宜陳善謔，金絲徐韻，雜劇來歟。

放小兒隊

末技畢陳，下情無壅，既成文於綴兆，猶歛袂以回翔。再拜天堦，相將好去。

勾女童隊

飛步壽山，起香塵於羅襪，散花御路，泛昌雪於錦茵。上奉宸顏，兩軍女童入隊。

隊名

生商來瑞，乙浴佛降，群龍

問女童隊

玉座天臨，雖山凡之有隔，翠鬢雲合，豈草木之無知。密邇天堦，悉陳來意。

女童致語

妾聞千里一曲，變澄瀾於濁河，萬歲三稱，隱歡聲於

靈岳天人並應夷夏來同雖
云北里之微敢獻華封
之祝恭惟 皇帝陛下睿文
冠古神智無方同堯舜
之性仁而能濟衆陋成康之
刑措猶待積年共歡建
丑之正再觀興龍之會桑田
果海傾壽筭而未乾汗
竹南山書頌聲而無極妾等
幸緣賤藝復望威顏振
萬于庭欲赴干旄之節間歌
以雅庶諧笙磬之音未
敢自專伏候進止

句雜劇

舞綵暫停歌鍾少闕必有應諧之妙以資載笑之歡
上悅天顏雜劇未歟

放女童隊

振袂再成曲盡回風之妙分庭久立漸移愛日之陰
再拜天堦相將好去

坤成節集英殿宴教坊詞

教坊致語

臣聞視履考祥既占恤以月之夢對時育物必有繼天
之功當大失之西流屬到陰靈之既望帝於是日誕降
仁人意使斯民咸歸壽域共慶千年之遇得生二聖
之朝式宴示慈與民同樂共惟 皇帝陛下文思天
縱睿哲生知力行禹湯之仁常恐一夫之不獲躬蹈

曾閔之孝故得萬國之歡心恭惟 太皇太后陛下
道契天人德超載籍知人則哲蓋帝堯之所難修已
安民雖虞舜其猶病風雲從而萬物覩日月照而四
時行自然動植之咸安莫知天地之何力三宮交慶
群后駿奔寶鄰通四牡之歡航海致重譯之贐洞庭
九奏始識咸池之音靈岳三呼共獻後天之祝臣等
叨居法部輒採民言上瀆宸聰敢陳口號

口號

三朝遺老九門前又見承平大有年文母憂動初化
俗曾孫仁孝已通天史書元祐三千牘樂奏坤成第

一篇欲採蟠桃歸獻壽蓬萊清淺半桑田

勾合曲

秋風協應生殿閣之微涼廣樂具陳韻金絲而間作
欲觀鳥獸之率舞願聞笙磬之同音上奉宸顏教坊
合曲

勾小兒隊

朱千玉戚本以公家功白叟黃童皆知頌聖盍念髣髴
之侶來陳舞象之儀上侑皇歡教坊小兒入隊

隊名

願同千歲樂長奏太平謠

問小兒隊

鎬京廣燕方雲集於縉紳沂水游童忽見趨於庭廡
雖云小技必有可觀咫尺天顏悉言汝志

小兒致語

臣聞功存社稷慶鍾高密之門澤及本支天胙太任
之德候西風之八律藹瑞氣之盈庭嘉與四方同稱
萬壽恭惟 皇帝陛下文思稽古濬哲在躬日奉東
朝之歡率用家人之禮以謂慈儉之化無德而能名
保佑之功如天之難報惟流傳於歌舞庶髣髴其儀
刑臣等雖在弱齡久陶孝治敢率垂髫之侶共陳振

萬之儀云云

勾雜劇

鸞旗日縛維自雲開暫回綴兆之文少進俳諧之技
來陳善戲以佐觀聲上樂天顏雜劇來歟

放小兒隊

青於依進雖末技而豈陳黃屋天臨知下情之無壅
既成文於綴兆爰整袂以徘徊再拜天堦相將好去

勾女童隊

彤壺漏箭隨羶唱以漸移絳節綵旄聞鳳簫而自至
宜召散花之侶來呈回雪之姿上奉宸顏兩軍女弟

子入隊

隊名

金風回翠袖玉瑄倚清歌

問女童隊

鳳歌諧律方資燕俎之歡鷺羽分庭忽集壽山之下
低鬟有待振袂進欲作前密通天堦悉陳來意

女童致語

妾聞塗山啓夏采玉帛於萬邦摯仲興周昨本支於
百世佳辰共樂壯觀一新共惟 皇帝陛下舜孝自
天堯仁浹物膺昊穹之成命席累聖之始謀惟地勢

坤永載無疆之德以天下養躬持脣樂之觴六樂在
庭百工奏技去等親逢盛旦獲望嚴宸藝雖愧於驚
鴻心已先於儀鳳願陳舞綴上奉天顏云云

勾雜劇

風清羽蓋日轉槐庭欲資載笑之歡必有應諧之妙
暫回舞綴少進談辭上悅天顏雜劇來與

放隊

八音間作既成儼繹之文萬舞畢陳曲盡回翔之態
望彤闈而却立歛翠袂以言歸再拜天墀相將好去

齋日致語口號

旋復陰陽配五土又於六幹誕彌歲月與元日為三申
神后降慶於當年曾孫効誠於茲旦不煩巧歷自契
真符道俗謹謠大人協應 太皇太后陛下功高任
如德配唐虞上世_世碩託之心下布仰成之政寶慈與
儉蹈光憲之成_世却狄安邦罷烈武之餘慶三朝順
履萬壽惟新雖終_世縣之老人難窮甲子如楚南之靈
木莫計春秋臣_世等草茅心傾葵藿採民謳於擊壤
効樂語之陳詩

媯皇得道自成仙 金母長生不記年甲子會逢三朔
旦歲星行看百周年消兵漸覺腰無犢種德方知福

有田彤管何人書後會椒花椿頌一時編

黃樓致語口號

百川返壑五稼登場初成百尺之樓造及重陽之會
高高下下既休耒耨之勞歲歲年年共觀茱萸之美
共惟知府學士與人所恃憂樂以時度餘力而取羨
財因備灾而成勝事起東郊之壯觀破西楚之淫名
賓客如雲來四方之豪傑鼓鐘隱地竦萬目之觀瞻
實與徐民長為佳話

一新柱石壯嚴闈更值西風落帽辰不用游從誇燕
子直將氣焰壓波神山川尚遶當時國城郭猶飄廣

陌塵誰凭欄千賞風月使君留意在斯民

趙倅成伯母生日致語口號

昔年占夢適當重九之佳辰今日獻香願祝大千之遐筭慶婦姑之同日雜茱菊以稱觴殺鷄已效於龐公剪髮敢資於陶母但某叨居樂部忝預年家不度蕪材上塵口號

今朝壽酒泛黃花鬱鬱芳蕙氣滿家願得唐兒舞一曲莫嫌國小向長沙

王氏生子致語口號

人中五日知織女之暫來海上三年喜花枝之未老

事協紫銜之夢歡傾白髮之兒好人相逢一杯徑醉伏以某人女郎蒼梧仙裔南海貢餘憐謝瑞之早孤潛炊相助嘆張鎬之沒興遇酒輒歡采揚梅而朝飛摩青蓮而暮返長新玉女之年貌未厭金膏之掃除萬里乘桴已慕仲尼而航海五絲繡鳳將從老子以俱仙東坡居士尊姐千峯笙篳萬籟聊設三山之湯餅共傾九醞之仙醪尋香而來蒹天風之引步此興不淺炯江月之升樓

羅浮山下已三春松筍穿堦畫掩門太白猶逃水仙洞紫簫來問玉華君天容水色聊同夜髮澤膏光自

鑑人萬戶春風為子壽坐看滄海起揚塵

寒食宴提刑致語口號

良辰易失四者難并故人相逢五斗徑醉况中年離
合之感正寒食清明之間時乎不可再來賢者而後
樂此恭惟提刑學士才本天授學為人師事業存乎
斯民文章蓋其餘事望之已試於馮翊翁子暫還於
會稽知府學士接好隣邦締交開府草逆之契義等
於天倫不腆之辭意勤於地主力講兩君之好可無
七子之詩欲使異時爭傳盛事

雲間畫鼓疊春雷千騎尋芳戲馬臺平道已逢山
簡醉萬人爭看謫仙來淮一四按部威尤凜歷下懷仁
首重回還把去年留客意折花臨水更徘徊

蘇文忠公集卷第九十五

